

## Пояснительная записка.

Г1алг1ай литература кхыдола предметаш санна базови дешара дисциплина я. Цун керттера декхар да дешархой эхь- эздел долаш, хозаненна лоарх1ам болаш, мехка истори дикаг1а довзаш, кхетамца кхебар.

Г1алг1ай литература базови ларда т1а 1омадаро аьттув хулийт дешархошта вай къаман литература дег1адара наькъаш довзийта, цо хьабена чоалхане никъ теркалбайта замано д1адехкача беса цун декхараш а идейни чулоацам а хувцалуш хилар теркалде. Балха план в1ашаг1ъелла я исбахьален произведенеш урокашка а классал арахьа дешархоша к1оаргга уйла а еш, чулоацам бешаш,цун тохкам беш,болх д1ахьоргболаш цул совг1а,цо кхоачашду кхы а 1алаьмате боккхача лоарх1ама декхараш-дешар навькаш лакхьер,дешархой дувзаденна къамаьл шаьрдар.

Программо белгалгьяьхай г1орбаьннача г1алг1ай йоазанхой лоарх1а мег1а йола говзаме произведенеш, цар тема, керттера уйла, турпалхой васташ, пайда эцийт цар т1а лелабеш болча ц1енача, говзамеча метта.

Школе 1омае еза произведенеш къоастаеш, терко т1аяхийтай лакха исбахьалеш говзалца язьяь хилара, дешархошта нравственни кхетам луш, цар сакхетам лакхбеш.

Даьхе а гонахьара 1алам а деза а уж 1омабеш хилара.

Программо хьакъоастадаьд литературни произведеней чулоацам к1оаргаг1а дешархошта 1омабара , литературни теории дикаг1а йоавзийтара эшаш дола декхараш наькъаши.

Говзамеча наьна метта торонаш – эпитеташ , дустараш, метафораш, дийндар, кицаш, фразеологизмаш къоастаяр, произведене идейни чулоацам къоастабара, цар леладу г1улакх белгалдар.

-Рефераташ, докладаш, исбахьален произведеней чулоацам тохкаш кхоллама балхаш дар, дувзаденна къамаьл шаьрдар.

-Дешархой эхь-эздел долаш, х1ама довзара, тахкара т1акхувш, гуманистически сакхетам болаш, ший граждански позиции йоалаш, Даьхенцара безам лакха болаш, ший къам а , къаман истори а литература довзара т1акхувш 1омабар.

-Г1алг1ай литературо дег1адоаг1аш хьабена чолхане никъ, кхыча къамий литература юкьера цун моттиг йовзаш, дешара культура дег1айоалаеш болх бар.

-Кхоллама, тохкама балхаш деш шоашта эшаш йола материал, информаци журналаш т1ара, газеташ т1ара, тайп-тайпарча тексташ т1ара, Интернете лаха, нийсье дешархой 1омабар.